



№ 24/1-321 -son
2022-yil. «23» 02

**Ўзбекистон Республикаси Ахборот
технологиялари ва коммуникацияларини
ривожлантириш вазирлиги**

2021 йил 11 июндаги
32-11-сон топшириғига

Вазирликнинг 2021 йил 11 июндаги “Соҳа ходимларининг ҳуқуқий онги ва маданиятини юксалтириш бўйича” 32-11-сонли чора-тадбирлар дастурининг 69-бандига асосан Тошкент шаҳридаги Инҳа университетиди 2022 йил 23 февраль куни “Хавфсизлик ва жамоат тартибини таъминлаш бўлими”га оид қонун ҳужжатларининг мазмун-моҳиятини тушунтириш мавзусидаги ўтказилган видеоконференция тарзидаги йиғилиш маълумотлари PDF ва PPTX иловалар орқали юборилмоқда.

Ҳавола: <https://inha.uz/yangiliklar/>

PDF-иловалар сони: 5 бет.

PPTX-слайдлар сони: 15 бет.

Ректор в.б.

М.Джалалов



«ТАСДИҚЛАЙМАН»
Тошкент шаҳридаги Инха
университети ректори в.б.

М.Джалалов

« 23 » 02 2022 йил

**Тошкент шаҳридаги Инха университетида Ўзбекистон Республикаси
Вазирлар Маҳкамасининг 2020 йил 20 октябрдаги “Ёнғин хавфсизлиги
қоидаларини тасдиқлаш тўғрисида”ги 649-сон Қарори мазмун-моҳиятини
тушунтириш тартиби мавзусида ўтказилган йиғилиши
1-сон БАЁННОМАСИ**

Сана 23.02.2022 йил.

соат 11:00 да.

Тошкент шаҳри.

Раислик қилувчи:

А.Тагаев - Маъмурий ишлар бўйича бош менежери.

Қатнашдилар:

Т.Матчанов - Мониторинг ва ижро назорати бўлими бошлиғи, И.Юлдашев - Юридик бўлими бош юрисконсулти, Э.Ахмедов – Хавфсизлик ва жамоат тартибини таъминлаш бўлими бошлиғи ўринбосари ҳамда университетнинг барча бўлим бошлиқлари ва масъул мутахассислари.

КУН ТАРТИБИ

1.Тошкент шаҳридаги Инха университети ёнғин хавфсизлиги қоидалари билан ишлашда қайси норматив-ҳуқуқий ҳужжатлар билан иш олиб бориши ва уларнинг мазмун-моҳияти тўғрисида.

А.Тагаев, Т.Матчанов, И.Юлдашев, Э.Ахмедов сўзга чиқдилар

Тошкент шаҳридаги Инха университети (кейинги ўринларда- Университет) Маъмурий ишлар бўйича бош менежер йиғилишни очиб берди шундан сўнг Хавфсизлик бўлими бошлиғи ўринбосари Э.Ахмедов сўзга чиқиб, Университет ёнғин хавфсизлиги бўйича Ўзбекистон Республикаси Вазирлар Маҳкамасининг 2020 йил 20 октябрдаги “Ёнғин хавфсизлиги қоидаларини тасдиқлаш тўғрисида”ги 649-сон Қарори асосида иш олиб бориши ва унинг мазмун моҳияти тўғрисида тушунтиришлар бериб ўтди.

Шунингдек, Ушбу Қарор билан Қуйидагиларни назарда тутувчи Ёнғин хавфсизлиги қоидалари иловага мувофиқ тасдиқлансин:

одамларнинг ҳаёти ва соғлиғини, юридик ва жисмоний шахсларнинг мол-мулкани, атроф табиий муҳитни ёнғинлардан ҳимоя қилиш юзасидан умумий ёнғин хавфсизлиги талаблари;

ёнғин келиб чиқиши хавфи юқори бўлган ишларни амалга оширишда ҳамда муҳандислик асбоб-ускуналаридан фойдаланишда ёнғин хавфсизлиги талаблари;

ишлаб чиқариш, ижтимоий, қишлоқ хўжалиги, қурилиш ва бошқа соҳалардаги объектлар ҳамда маъмурий бинолар учун ёнғин хавфсизлиги талаблари тўғрисида айтиб ўтди.

Шу билан бирга, Ушбу Ёнғин хавфсизлиги қоидалари (кейинги ўринларда — Қоидалар) «Ёнғин хавфсизлиги тўғрисида»ги Ўзбекистон Республикаси Қонунига мувофиқ одамларнинг ҳаёти ва соғлиғини, юридик ва жисмоний шахсларнинг мол-мулкни, атроф табиий муҳитни ёнғинлардан ҳимоя қилиш мақсадида Ўзбекистон Республикаси ҳудудида умумий ёнғин хавфсизлиги талабларини белгилайди

Қоидалар давлат бошқаруви органлари, маҳаллий давлат ҳокимияти органлари, хўжалик бирлашмалари, фуқароларнинг ўзини ўзи бошқариш органлари ҳамда ташкилий-ҳуқуқий шаклидан ва идоравий бўйсунувидан қатъи назар бошқа ташкилотлар (кейинги ўринларда — ташкилотлар), уларнинг ходимлари, шунингдек, яқка тартибдаги тадбиркорлар ва фуқаролар учун мажбурлиги тўғрисида айтиб ўтди.

Шунингдек, Қонунда белгиланган қўйидаги тушунчалар:

объект — юридик ёки жисмоний шахснинг мулкӣ комплекси (ёки унинг бир қисми), шу жумладан, улар учун ёнғин хавфсизлиги талаблари белгиланган бинолар, иншоотлар, транспорт воситалари, технологик қурилмалар, асбоб-ускуна, агрегатлар, буюмлар ва бошқа мол-мулк; оловли ишлар — учқун ҳосил бўлиши, очиқ алангадан фойдаланиш билан боғлиқ ишлар (электр пайвандлаш, газ пайвандлаш, ёнувчи суюқликлардан фойдаланиб кесиш, кавшарлаш лампаларидан фойдаланиш, битум эритиш ва учқун чиқариш билан боғлиқ бошқа ишлар);

технологик жараён — модда ва маҳсулотларнинг хусусиятини ва (ёки) ҳолатини ўзгартиришга қаратилган ҳаракатлар билан боғлиқ бўлган ишлаб чиқариш жараёнининг бир қисми;

одамлар оммавий бўладиган объект — бир вақтнинг ўзида 50 нафардан кўп одамлар бўлиши кўзда тутилган хона, бино, иншоот (турар жойлар бундан мустасно);

одамлар оммавий бўладиган объект — бир вақтнинг ўзида 50 нафардан кўп одамлар бўлиши кўзда тутилган хона, бино, иншоот (турар жойлар бундан мустасно);

ёнғинга қарши оралик — ёнғин тарқалишининг олдини олиш учун бинолар ва (ёки) иншоотлар оралиғидаги белгиланган масофа;

ёнғинга қарши техник ҳимоя воситалари — ёнғинни автоматик тарзда аниқлаш ва ўчириш, тутунни чиқариш, хабар бериш, ёнғинга қарши сув таъминоти тизимлари, шунингдек, одамларни ва моддий бойликларни ёнғиндан ҳимоя қилиш учун мўлжалланган бошқа техник воситалар тўғрисида айтиб ўтдилар.

Шу билан бирга, ашқилот раҳбарининг (якка тартибдаги тадбиркорнинг) ёнғин хавфсизлигини таъминлаш бўйича мажбуриятларига қуйидагилар киради:

а) «Ёнғин хавфсизлиги тўғрисида»ги Ўзбекистон Республикаси Қонуни, ёнғин хавфсизлиги соҳасидаги норматив-ҳуқуқий ҳужжатлар ва норматив ҳужжатлар ҳамда ушбу Қоидаларнинг талабларига ҳар бир объектда риоя этилишини ва бажарилиши назорат қилинишини таъминлаш;

б) таркибий тузилмалар низомларида ва объект ходимларининг лавозим йўриқномаларида ёнғин хавфсизлигини таъминлаш бўйича мажбуриятларни назарда тутиш;

в) объект бўйича буйруқ билан: объектнинг технологик ускуналарини, шамоллатиш ва иситиш тизимлари, яшиндан ҳимоя қилувчи ва ерга улаш мосламаларини, алоқа ва хабар бериш воситаларини, ёнғинга қарши техник ҳимоя воситаларини соз ҳолда сақлаш ва фойдаланиш учун ҳамда ташкилотнинг объектларида ёнғин хавфсизлиги бўйича масъул шахсларни тайинлаш;

ҳар бир объект учун унинг ёнғин хавфлилигига кўра ёнғинга қарши режимини белгилайдиган ёнғин хавфсизлиги йўриқномалари ушбу Қоидаларга 1-иловага мувофиқ ишлаб чиқилишини таъминлаш;

оловли ва бошқа ёнғин хавфи мавжуд ишларни хавфсиз бажариш тартиби ва вақтини белгилаш ҳамда улар бажарилиши устидан назоратни ташкил этиш;

объектнинг ходимлари ўртасида ёнғин содир бўлган вақтдаги мажбуриятларини тақсимлаш.

г) тегишли ёнғинга қарши йўл-йўриқ бериш орқали ходимларни ёнғин хавфсизлиги чора-тадбирларига ўргатишни ва ушбу Қоидаларга 2-иловага мувофиқ ёнғин-техник минимум бўйича машғулотлар ўтказишни ташкил этиш;

д) ёнғин содир бўлганда унинг сабабини, содир этилиши ва ривожланиши (тарқалиши) шароитларини, ёнғин келиб чиқишида ва ёнғин хавфсизлиги талаблари бузилишида айбдор бўлган шахсларни аниқлаш чораларини кўриш;

е) ушбу Қоидаларга 3-иловага мувофиқ ёнғин хавфсизлиги ва ҳаёт фаолияти хавфсизлиги ҳақидаги маълумотлардан иборат ахборот стендларини ташкил этиш, шунингдек, улар ўз вақтида янгилашини таъминлаши тўғрисида айтиб ўтди.

Шунингдек, Ташкилотларнинг хоналарида, бино ва иншоотларда (якка тартибдаги турар жойлардан ташқари) қуйидагилар тақиқланади:

а) ертўла ва цоколь қаватларида, йўлакларда, зина катакларида енгил алангаланувчи ва ёнувчи суюқликларни, порох, портловчи моддаларни, газ баллонларини, аэрозоль идишдаги товарларни, целлулоид ва бошқа портлаш хавфи бор модда ва материалларни сақлаш ва фойдаланиш, амалдаги норматив ҳужжатларда келтирилган ҳолатлар бундан мустасно;

б) чордоқлар, техник қаватлар, шамоллатиш тизими ўрнатилган ва бошқа техник хоналардан ишлаб чиқариш участкалари, устахоналар сифатида фойдаланиш ҳамда ушбу жойларда маҳсулотлар, ускуналар, мебеллар ва бошқа буюмларни сақлаш;

в) лифт холларига хужра, киоск, савдо шохобчалари ва шу кабиларни жойлаштириш;

г) ертўла ва цоколь қаватларидан чиқиш эшиклари умумий зинапоя катакчаларидан алоҳида ажратилмаган бўлса, уларда ёнувчи материалларни сақлаш омборлари ва устахоналарни ташкил этиш ҳамда бошқа хўжалик хоналарини жойлаштириш;

д) лойиҳада кўзда тутилган вестибюль ва холлар, йўлаклар, тамбур ва зина катакларининг эшикларини олиб ташлаш;

е) балкон ва лоджияларнинг эшик ва люкларини, қўшни хонага ўтиш йўлаклари ва ташқи қутқарув зиналарига чиқиш жойларини мебель, ускуна ва бошқа буюмлар билан тўсиб қўйиш;

ж) бензин, керосин ва бошқа енгил алангаланувчи ва ёнувчи суюқликлардан фойдаланган ҳолда хоналарни тозалаш ва кийимларни ювиш, шунингдек, кавшарлаш лампаси ва очиқ оловдан фойдаланган ҳолда яхлаб қолган (музлаган) қувурларни эритиш;

з) белгиланган тартибда тасдиқланган норма ва қоидаларда назарда тутилган ҳолатлардан ташқари деразаларга очилмайдиган панжаралар ўрнатиш;

и) ёнғин вақтида хавфсизлик зонасига кирувчи лоджия ва балконларни ойналар билан қоплаш;

к) зина катаклариди ва йўлакларда хужралар ташкил этиш, шунингдек, зинанинг қаватлар орасидаги қисмида (марш) ва майдонларида буюмлар, мебель ва бошқа ёнувчи материалларни сақлаш (бинонинг биринчи ва цоколь қаватларидаги зина катаклари остида фақат марказий иситиш тизимини бошқариш тармоқлари, сув ўлчагич тармоқлари ва электр шчитлари ўрнатилган деворлари ёнмайдиган материаллардан ишланган хоналарни жойлаштириш мумкин);

л) омборлар ва бошқа ишлаб чиқариш хоналарида (оловга бардошлилиги V-даражали бинолардан ташқари) ёнувчи ва қийин ёнувчи материаллардан ҳамда тунука металлдан ясалган антресоллар, шунингдек, бошқа ички хоналарни ташкил этиш бўйича тақдимот орқали Университетнинг барча бўлим бошлиқлари ва масъул мутахассисларига тушунтиришлар бериб ўз нутқларини яқунлади.

Шундан сўнг сўз навбатини Университетимиз Мониторинг ва ижро назорати бўлими бошлиғи Т.Матчанов ҳамда Юридик бўлими бош юрисконсулти И.Юлдашевлар сўзга чиқиб, Ўзбекистон Республикаси Ахборот технологиялари ва коммуникацияларини ривожлантириш вазирлигининг 2021 йил 11 июндаги “Соҳа ходимларининг ҳуқуқий онги ва маданиятини юксалтириш бўйича” 32-11-сонли чора-тадбирлари бўлаётган

камчилик ва муаммолар бўйича Университетнинг бўлим бошлиқлари ва масъул мутахассисларига тушунтиришлар бериб ўтди.

Кўриб чиқилган масалалар юзасидан билдирилган фикр-мулоҳазалардан ҳамда берилган топшириқлар асосида йиғилиш **қарор қилди:**

1. Хавфсизлик ва жамоат тартибини таъминлаш бўлими бошлиғи ўринбосари Э.Ахмедовга, йил давомида Университетда ўт ўчириш воситаларини доими равишда соз ҳолда эканлигини назорат қилиб борсин ва ходимлар ва талабалар ўртасида доимий равишда ёнигин хавфсизлиги қоидалари бўйича тушунтириш ишларини олиб борсин.

2. Ушбу баённома ижросини назоратини ўз зиммамда қолдираман.

Баённомани тузувчи



З.Эркабаев